

BOSNA I HERCEGOVINA  
UNIVERZITET U SARAJEVU  
GRAĐEVINSKI FAKULTET



BOSNIA AND HERZEGOVINA  
THE UNIVERSITY OF SARAJEVO  
FACULTY OF CIVIL ENGINEERING

---

Patriotske lige 30, Tel. ++387 33 27 84 00; Fax. ++387 33 20 01 58 E-mail: [gfsa@gf.unsa.ba](mailto:gfsa@gf.unsa.ba) <http://www.gf.unsa.ba>  
ID broj: 4200287770000 PDV broj: 200287770000

**PRAVILNIK  
O IZMJENAMA I DOPUNAMA PRAVILNIKA O UNUTRAŠNJEM  
USTROJSTVU I ORGANIZACIJI RADA GRAĐEVINSKOG FAKULTETA  
UNIVERZITETA U SARAJEVU**

Sarajevo, maj 2018. godine

Na osnovu člana 135. Zakona o visokom obrazovanju ("Službene novine Kantona Sarajevo" br. 33/17), člana 92 Statuta Univerziteta u Sarajevu, odredbi Pravilnika o unutrašnjem ustrojstvu i organizaciji rada Građevinskog fakulteta Univerziteta u Sarajevu, Vijeće Građevinskog fakulteta Univerziteta u Sarajevu je na VI sjednici održanoj 15.05.2018. godine donijelo

**P R A V I L N I K**  
**O IZMJENAMA I DOPUNAMA PRAVILNIKA O UNUTRAŠNJEM USTROJSTVU I**  
**ORGANIZACIJI RADA GRAĐEVINSKOG FAKULTETA UNIVERZITETA U SARAJEVU**  
**BR. 01-1-1830-4/15 OD 27.12.2016. GODINE**

**Član 1.**

U Članu 5, stav (2) mijanja se i glasi:

(1) Podorganizacione jedinice Fakulteta su:

- (a) Odsjek za konstrukcije
  - (a1) Institut za materijale i konstrukcije
    - (a1.1) Laboratorij Instituta za materijale i konstrukcije Građevinskog fakulteta u Sarajevu (Laboratorija IMK GFS)
- (b) Odsjek za hidrotehniku i okolišno inženjerstvo
  - (b1) Institut za hidrotehniku i okolišno inženjerstvo
    - (b1.1) Laboratorij za hidrotehnička ispitivanja Građevinskog fakulteta u Sarajevu (Laboratorija IHOI GFS)
- (c) Odsjek za saobraćajnice
  - (c1) Institut za saobraćajnice
    - (c1.1) Laboratorij za saobraćajnice Građevinskog fakulteta u Sarajevu (Laboratorija IS GFS)
- (d) Odsjek za geodeziju i geoinformatiku
  - (d1) Institut za geodeziju i geoinformatiku
    - (d1.1) Laboratorij za geodeziju i geoinformatiku
- (e) Katedra za geotehniku i geološko inženjerstvo
  - (e1) Institut za geotehniku i geološko inženjerstvo
    - (e1.1) Laboratorij za geomehanička ispitivanja Građevinskog fakulteta u Sarajevu (Laboratorija IGG GFS)
- (f) Katedra za matematiku i informatiku

**Član 2.**

U članu 20, stav (5), iza alineje (e) dodaje se alineja (f) koja glasi:

- (5) Pored poslova u nastavi i naučno-istraživačkom radu rukovodilac odsjeka/katedre obavlja i slijedeće poslove:
  - (f) rukovodi pripadajućim Institutom i odgovoran je za cjelokupan rad Instituta i njegovih laboratorija

**Član 3.**

U Članu 21 mijanja se i dopunjava uvod u stav (2) i glasi:

- (2) Ostali zaposlenici u podorganizacionim jedinicama – Institutima Imenuju se iz reda zaposlenika koji učestvuju u nastavi i/ili kao zaposlenici koji ne učestvuju u nastavi, a prema obimu visokostručnih i stručnih poslova Instituta

#### Član 4.

Član 24. se mijenja i glasi:

(Status studenta)

- (1) Status redovnog studenta se stiče upisom na neki od studijskih programa koji se organizuju na Fakultetu.
- (2) Upis studenata na I ciklus studija se vrši na osnovu rang liste prijavljenih kandidata koju formira Centralna komisija za upis.
- (3) Centralnu komisiju za upis i njenog predsjednika imenuje dekan i ona se sastoji od pet članova, od kojih je troje iz reda nastavnika.
- (4) Vijeće Fakulteta svake godine donosi odluku da li će se za upis studenata na I ciklus studija za tu akademsku godinu organizovati polaganje prijemnog ispita.
- (5) Rang lista se formira na osnovu sume bodova koja se dobiva kao zbir:
  - (a) prosječne ocjene iz svih predmeta u srednjoj školi pomnožene sa 4
  - (b) prosječne ocjene iz matematike, fizike i bosanskog jezika pomnožene sa 8
  - (c) bodova ostvarenih na prijemnom ispitu – maksimalno 40, ukoliko se odlukom Vijeća Fakulteta za tu akademsku godinu organizuje polaganje prijemnog ispita.
  - (d) bodova za nagrade dobivenih tokom srednje škole u skladu sa kriterijima koje propisuje Ministarstvo obrazovanja Kantona Sarajevo (u daljem tekstu Ministarstvo)
- (6) Status redovnog studenta koji se finansira iz budžeta stiču studenti koji su na rang listi plasirani unutar kvote za studente koji se finansiraju iz budžeta, a koju je odobrilo nadležno Ministarstvo prije objavljivanja konkursa.
- (7) Ukoliko se odlukom Vijeća Fakulteta za tu akademsku godinu organizuje polaganje prijemnog ispita, ostali kandidati koji su položili prijemni ispit, tj. ostvarili najmanje 20 bodova na prijemnom ispitu stiču pravo upisa u statusu redovnog samofinansirajućeg studenta.
- (8) Ukoliko se odlukom Vijeća Fakulteta za tu akademsku godinu organizuje polaganje prijemnog ispita i ukoliko poslije drugog upisnog roka ukupan broj kandidata koji su položili prijemni ispit bude manji od odobrenog broja studenata koji se upisuju, upisna kvota se može popuniti kandidatima koji nisu položili prijemni ispit prema rang listi u statusu redovnog samofinansirajućeg studenta.
- (9) Ukoliko se odlukom Vijeća Fakulteta za tu akademsku godinu ne organizuje polaganje prijemnog ispita, rang lista se formira na osnovu zbira bodova po ostalim kriterijima iz tačke (5) ovog člana, sve do popune upisne kvote, odnosno odobrenog broja studenata u odgovarajućim statusima.

#### Član 5.

Ovaj Pravilnik o izmjenama i dopunama Pravilnika o unutrašnjem ustrojstvu i organizaciji rada Građevinskog fakulteta Univerziteta u Sarajevu stupa na snagu nakon njegovog usvajanja od strane Vijeća Fakulteta i danom objavljivanja na web stranici Fakulteta i oglasnoj ploči.

  
Prof. dr. Mustafa Hrasnica, dipl.inž.građ.

Sarajevo, 14. 05. 2018.  
Br. 01-1-665-1/18.